

Sarajevo, 26-02-2018  
Broj: 0203-10880

Na osnovu člana 18. Stav 1. Zakona o javnim nabavkama („Službeni glasnik BiH“ broj 39/14), člana 37. Statuta Kliničkog centra Univerziteta u Sarajevu, člana 6, 10 i 11 Pravilnika o javnim nabavkama br. 0202-14542 od 29.03.2017. god. na prijedlog Tehničkog sektora Generalna direktorica donijela je:

### **ODLUKU**

o pokretanju postupka javne nabavke za izbor najpovoljnijeg ponuđača

#### **I**

Ovom odlukom odobrava se pokretanje postupka javne nabavke za izbor najpovoljnijeg ponuđača za nabavku i isporuku digitalnog mamografa za potrebe Klinike za radiologiju KCUS-a. Nabavka iz prethodnog stava provest će se primjenom otvorenog postupka sa međunarodnom objavom. Objava obavještenja o nabavci i tenderske dokumentacije će se izvršiti na portalu Agencije za javne nabavke. Za navedeni postupak se planira provesti e-aukcija.

#### **II**

Za realizaciju nabavke iz člana 1. ove odluke odobravaju se finansijska sredstva u iznosu od 500.000,00 KM bez uračunatog PDV-a odnosno 585.000,00 KM sa uračunatim PDV-om. Nabavka se vrši na osnovu Odluke Upravnog odbora br.0202-5766 od 31.01.2018. godine i Posebne Odluke o izmjeni i dopuni privremenog Plana javnih nabavki KCUS-a za 2018. godinu br. 0203-10880 od 26.02.2018. godine.

Sredstva za nabavku su obezbjeđena iz sredstava planiranih u Budžetu Kantona Sarajevo za 2018 godinu (Saglasnost Ministarstva zdravstva Kantona Sarajevo broj:10-14-166-1/18 od 29.01.2018 god.)

Uslov plaćanja predviđen za postupak nabavke je odgođeno 60 dana po ispostavljenom računu.

#### **III**

Realizaciju nabavke iz člana 1. ove odluke provest će Tehnički sektor putem Komisije za sprovođenje postupka javne nabavke, u skladu sa postupcima regulisanim Zakonom o javnim nabavkama, podzakonskim aktima i općim aktima ugovornog organa KCUS-a.

#### **IV**

Zaključenje ugovora ili drugog pravnog posla u cilju realizacije predmetne nabavke provesti će se u skladu sa ovlaštenjima utvrđenim Zakonom o javnim nabavkama, podzakonskim aktima i općim aktima ugovornog organa KCUS-a.

#### **V**

Odluka stupa na snagu danom donošenja.

### **OBRAZLOŽENJE**


Tehnički sektor, za potrebe Klinike za radiologiju KCUS-a, a na osnovu Odluke Upravnog odbora br.0202-5766 od 31.01.2018. godine i Posebne Odluke o izmjeni i dopuni privremenog Plana javnih nabavki KCUS-a za 2018. godinu br. 0203-10880 od 26.02.2018. godine obratio se Generalnoj direktorici sa zahtjevom za saglasnost za pokretanje postupka javne nabavke za nabavku i isporuku digitalnog mamomata za potrebe Klinike za radiologiju KCUS-a.

Realizacija nabavke iz predhodnog stava finansirat će se iz sredstava planiranih u Budžetu Kantona Sarajevo za 2018 godinu (Saglasnost Ministarstva zdravstva Kantona Sarajevo broj:10-14-166-1/18 od 29.01.2018 god.)

Obzirom da su sredstva obezbjeđena, utvrđeno je da su ispunjene sve pretpostavke za realizaciju nabavke, te je shodno Zakonu o javnim nabavkama, te usvojenim općim aktima ugovornog organa predmetni zahtjev dostavljen Generalnoj direktorici na konačno odobravanje.

Cijeneći navedeno donesena je odluka kao u dispozitivu.

RUKOVODILAC TEHNIČKOG SEKTORA  
Nuriya Jusupović, dipl.ing.el.



GENERALNA DIREKTORICA  
Prof.dr. Sebija Izetbegović

*Alvaro*